

大統領。此為該國之憲法。雖純然為一獨立國。然選舉及徵稅之際。以千一百之兵士監督之。以其稅金對由法國輸入之穀物。而送五百六十佛郎於法國。由法國輸入之穀物。無論何時不能却退。且有由法國招高等裁判官二人之誓約。由法國干涉其內政。首府人口。有二千二百餘。國民之風氣。與桑馬利共和國大相差異。古代之建物及器物。為歷史之參考者。至近年皆破壞。文明改良風俗。近頃又由克魯伯購大礮一門。設立於中央政府。以應歐洲各國侵本國而用。若法國與西國發令命滅其軍備。則國民必信。嗚呼千一百之兵士。與此一門之大礮。實該國惟一之軍備也。

#### ▲七莫斯哀特共和國

莫斯哀特共和國。在阿克司拉基亞比列哈比耳齊爾及坡耳瑪士之間。面積四英方里。人口三千餘人。國民因在絕美山水之間。而創一別有天地之小共和國。故世多豔稱之。雖為純然之獨立國。然實在德國保護之下。平時專重警察事務。大統領及五名之評議員。任期三年。為人民所公選。而大統領之任期。又三年者。謂之曰二期以上之就職。首府人口千六百餘人。宏壯之政廳。千八百三十三年所建築。建築費甚巨。

記者曰。美國瑞士等之共和國。是常出現於學校教科書之中。人皆知之矣。茲所舉者。皆為世人所罕見者。然此外尚有十五個之小共和國。嗚呼以我國共和之目的既達到。現猶岌岌

乎尚不知外人何日方能實行承認。是誠可媿也。吾故介紹之以鏡我國人。

#### 東游二十日之見聞記 民立報北京特派記者王伊文

六月二十九日。陸內閣成立。都人士額手相慶曰。陸為超然派。從此內訌可以不作矣。新聞界亦眾口交稱曰。陸擅外交名。從此外患不生。可無瓜分豆剖之憂矣。一時頌禱之聲。盈吾耳鼓。歡忻之狀。滿吾眼簾。魚雁紛馳。燕雀交賀。似直可以一木支大廈。一髮繫千鈞者。至於強隣之祕密聯盟。自由畫割吾領土為彼領土。虎視鷹瞵。已布種於各地。有待而發。則熟視若無視。充耳若不聞也。加之意見紛歧。黨爭劇烈。攘權攪勢。利令智昏。雖吾立法最高機關。為四萬萬國民代表之參議員。亦惟黨同伐異。咬文嚼字。一切無足輕重之議案。吹毛求疵。嘔不不已。而於我民國存亡國民生死重大關係之所在。反噬若寒蟬。未聞有討論而提議焉者。夫民國存亡國民生死重大關係所在。孰有過於日本前首相桂太郎遊歐一事。當桂太郎遊歐之議初定也。故意表白於世人曰。吾今此之遊。全係箇人資格。薄游歐美。以廣己之見聞。未有政治上關係也。吾國人當時亦翕然相信曰。彼今此之遊。未有政治上關係也。(桂太郎遊歐。東西外字新聞。早已宣傳其事。而我國之代表輿論南北各報紙。當時對於桂太郎遊歐一事。紀載多守默靜態度。未有對於此事。熱心研究討論。喚起國民之注意。即間有紀載此事。亦多由外字報譯

22136 來者。不過人云亦云耳。癡人說夢。異日同聲焉。然而余竊心焉憂之。蓋桂太郎者。日本著名之第一流野心政治家也。當桂內閣成立時。桂即主張先實行合併韓國。後即進取南滿。故合併韓國後。彼國之山縣派桂公等。即主張用武力一鼓而進。解決南滿問題。卒以民黨政客犬養毅派之反對。而山縣派之主張乃中止。夫日本民黨政客犬養毅派當時之反對。非有愛於我也。誠以彼國之如此急進侵略行爲。必不能得列強之同意。恐惹起列強之干涉。羣起而合攻彼國。反於彼國不利。故彼民黨當時主張於南滿。只取精神上實際上之併合。不取名義上形式上之併合耳。當韓爲日併後。未幾俄遣彼國財相來游東省。而日即遣亡韓辣手之伊藤博文與當時來游之俄財相。期會於哈爾濱。祕密協商兩國同盟。實行處分南北滿州。然天不亡漢。幸韓志士安重根。刺殺伊藤於哈爾濱車站。則日俄同盟處分滿州之機會。亦因伊藤暗殺案。生一頓挫。俾白山黑水間。風雲不起。迄今東省統治主權尙在我掌者。亦實賴韓人安氏一擊之力。夫伊藤公未竟之志。桂實繼之。去年吾國革命軍起義於武漢。威聲所播。滿廷震懼失措。而英美法三國。默認我爲交戰團體。希望我革命早達目的。完成共和民主國家。日本民黨中政客俠士。亦曾聯袂而來。贊助革命。獨日政府一方面。元老山縣派桂公等。主張暗助滿政府。接濟其軍火。遣假將左。助贊其軍機。(日本參謀部。派栖西中佐青木。爲北軍參謀)欲一舉撲滅吾革黨。後要南滿爲報酬。幸而革命成功。南北統一。一躍而爲

共和。我共和。彼專制。同州異治。影響易生。則忌之益厲。謀之益急。必思所以破壞。而棄嫌結好。提攜謀我者。俄蓋表同意焉。故於銀行團之借款。日俄先要求加入。而又退出。既退出而又要求加入。閃爍離奇。瞬息萬變。借款成立。有礙彼二國之野心。故不憚以鬼蜮伎倆。虺蛇手段。藉逞其蠶食鯨吞之大欲。即就借款一事觀之。余早料二國之有邪謀矣。況吾國內閣。一再動搖紛更。庫藏奇絀。四郊之兵變年荒。環生迫起。加之外蒙獨立。西藏亂成。俄增軍於伊犁。英進兵於片馬。不更有以助其謀而促其行乎。雖然。事未成而先說。流俗人所駭聞也。患將至而預防。有心者所難已也。余於陸內閣成立之第四日。承本社社長命。假他事爲名。潛蹤東渡。實行調查。往來閱二十日。始克返都。茲就沿道所見聞。與到東所探訪。條分縷析。敘陳於下。以供研究邊事與籌畫國防者採擇。

一東省電政之被侵佔也。余自京奉車換乘安奉車。見各車站房前有長木板。大書特書公衆電報取扱候七字。知日人不惟攘我路權。並將我電政獨立權。亦隨路權而攫去。查鐵路電線。原限於路上之用。不准收登商電。以侵電政獨立之權。逮余抵安東。至我國電局發電時。見日本電局。亦同居其中。有日電報生數人。專管收發來往於日本及滿州境內之和洋中文各電報。余至我國之電局。詳爲調查。聞自有日電局之設。凡東境內往來之商電。僑居日人。固赴日局。即我國商人。亦因費廉而爭往。日多一日。致我國電局利權。被日人奪去不少。然日設電局。

非僅爲商場貿易計。其目的則在軍用之交通便利。余不知始於何時。東省交涉委員。竟拱手將我國電政獨立權移贈於日人也。一安奉路警察權之被攘奪也。在前清時。日人雖挾戰勝強俄之威勢。欺我國弱。對於安奉交涉。自由行動。強奪我路權。然鐵路所經之地之主權。仍歸我有。故我國爲保護安奉線路。由東省交涉使籌款。設有三百餘名安奉鐵路巡警。余由奉至安東。沿途各站。惟草河口一站。有我國十餘巡警。執槍排立。其餘各站。除日本鐵路守備隊及日巡警數人外。未見我國巡警一人。詢厥原因。知我國原有各站所駐之警兵。被日警強拒不准進入車站台內。該管長多係畏外取媚之流。不敢與日嚴重交涉。據約抗爭。只好放棄主權而讓日人代庖矣。

22137  
一日關東都督福島之巡遊也。福島在日侵略派中。尤稱辣手。且於我國地理軍隊。研究有素。官場民情。知之亦深。甲午中東一役。福島主戰最力。今使督關東。蓋專爲南滿而來。余六號抵奉。正福島由鐵領來奉視察之末一日。福島卽於是日。又由奉赴撫順營口安東等處。視察各地政治軍事一切情形。以便他日定進取之方針。然此猶表面上之理由而已。其巡遊之裏面。實帶有重大使命。其使命。卽日政府擬增加朝鮮兩師團。而國民多反對。謂刻下無增兵之必要。徒增小民負擔而已。雙方抗爭。迄今未決。政府欲假新任關東都督福島一行而取決之也。故福島巡視東省畢。卽翩然返國。福島固主張增兵朝鮮之一人。則此事不久當見諸實行耳。按朝鮮毗連吾國。天然阻隔。不過

一鴨綠江。自安奉線日本之自由改造。鴨綠江橋架成後。不過十分鐘。卽渡彼岸。增兵於朝鮮。不啻增兵於中國。拊背扼吭。如箭在弦。其發也速。吾不知吾政府與國民。當如何抵禦之也。一日人利用暑假養成學生殖民思想也。日本自甲午之役。戰敗前清。強割我台灣後。而帝國大陸主義。遂膨脹於全國。侵略野心政治家。亦應時產出。日多一日。故凡於殖民海外擴張國力之政策上所應實行者。政府提倡於上。學者鼓吹於下。不數年而大和民族殖民海外之思想。全國普及。日本同文會之上海同文書院。東洋協會之東洋專門學校。與東京之殖民專門學校。關東關西之各大學高等專門商業學校。皆製造殖民海外人才之機關。至暑假期內。凡屬含有殖民性質之學校學生。或結團體。或個人。向朝鮮滿蒙等處游歷。而沿途火車輪船。皆特別優待折扣以獎勵之。在日本境內三等車。照原價二折計算。道過朝鮮境內者。車價照原價五折計算。至滿州境內者。亦照原價五折計算。此係往年例。今年則改爲八折。船價亦然。該學生所宿之日商客棧。宿舍料等。亦特別減收。以示優待。其保護獎勵者。無微不至。不惟此種學校學生。於暑假期爭往韓滿實地調查。卽中學生及小學生。亦曾結隊西來。今南滿一帶過往日人。多不勝計。一朝實行殖民。熟路輕車。正易易耳。

一安東稅關洋員之失職也。自鴨綠江橋告成。安東稅關。則改爲互查制。我國則聘西人爲稽查員。朝鮮一方面。日人專任稽查之職。凡出入口貨物。必經雙方驗訖。始克放行。所以杜弊

22138 端。重稅務。關係甚鉅。余抵安東縣。我國所雇西稅關員。於稽查員時。袖手在旁。噤不一語。任廝役輩略為檢閱。聊以塞責。至次日六時開車。惟日稅關員在站內往來督查。不辭勞瘁。而中國所聘之西稅關員。尙未至也。心竊怪之。詢諸車站左右人。則曰。該西洋員尙高臥未起。且每日如是。並非偶爾失時。該西員之不肯事事盡職如此。

一日紙布散謠言也。自吾國唐總理辭職後。黨派紛爭。流言日起。幾成內訌之勢。日人窺伺於旁。見吾之有隙可乘。於是淬其舌劍。逞其筆鋒。假報紙捏造謠言。謂吾國將南北分立。以實行破壞共和。捉影捕風。言之鑿鑿。欲以挑動惡感。使吾為蚌鷸。而彼收漁人之利。余抵東後。與彼國之政客新聞記者接談時。亦曾以吾國將南北分立為問。經余力為據實舉例。剖析而詳辯。彼等乃得恍然吾國政變之真相。

一桂太郎西遊之使命也。前韓統監伊藤博文之游滿也。本為日俄聯盟處分南北滿州案。約來游俄之藏相。會商於哈爾濱。不幸中途遇害。以致日俄兩國聯盟處分滿州之大功。敗於垂成。日人引為大憾。桂太郎承伊藤之志。必欲圓滿前功。故日俄同盟又復活。當桂太郎未出國時。已由駐俄京日本大使本野氏與俄外相。於七月八號。將同盟條件一切手續。議妥商定。專待桂到俄。親行簽約。此事七月十五日。日本樞密院開臨時會議。山縣芳川公爵正副議長松方侯爵各顧問均出席。首由西園寺氏外相內田氏在明治天皇前。奏報該兩國同盟案過去之交涉。及

現在進行手續與狀況。未述日俄為支那問題。不可不取一致協力進行之理由。及此次兩國同盟之裏面利益。十六日即經明治天皇裁可。余在東時。從各方面調查。始探得以上種種。確知桂太郎此行之使命。專為日俄同盟。以預抵制中美同盟。且實行其分佔滿蒙之政策。而當時日紙除官報守祕不宣外。間有他報文說中述及者。然官報次日。遂即聲明某報所載。盡屬子虛。余彼時探得確息後。即擬電本社以告國人。奈日電信局。不肯發電。故於日皇裁可之次日。即首途返國。歸至山海關。始將以上所述之大意。電告本社焉。

### 中國治水芻議 譯上海德文新報

#### ▲救災根本的解決

記者數年來。披讀外人在中國出版之新聞紙。(指西文報)對於江河潰決釀成凶荒之報告。一年三百六十天。幾於無日不連篇累牘。尤奇者。受災區域。率為中國出產之富饒。故一遇告警。不獨當其衝者。哀鴻遍野。而影響所及。動輒糜爛乎全國。所以然者。窮鄉僻壤。所產不敷所需。每年十分七八。全藉富饒區域為周轉。今者富饒區域。既受湮沒。是自顧且不暇矣。尙何有贏餘之能貸。雖然。貧乏無告者。倍覺可哀。西人於報告餘白。每每附以案語。敘述窮民於此種大水暴發時。經歷幾許之危險饑饉薦臻後。受盡若何之困苦。而終以不避嫌怨。不辭勞瘁。代呼將伯。為災民募化鉅款者。誠以滿目瘡痍。不如此